



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გაბაშვილი გურამ რევაზის ძე

გაბაშვილი გურამ რევაზის ძე (25. VII. 1919, თბილისი, – 2014 იქვე), არქიტექტორი. საქართვე. დამს. არქიტექტორი (1971).

დაამთავრა საქართვე. ინდუსტრ. ინ-ტი (1942). მუშაობდა საქართვე. მეცნ. აკად. ვარძიის მუზეუმ-ნაკრძალში (1942 – 49) მეცნიერ თანამშრომლად (აზომილი აქვს რამდენიმე ათეული ისტ. ძეგლი), მშენებლობის სამუშაოთა მწარმოებლად (ყაზახეთი, 1951 – 53), „საქსოფლმშენსახპროექტი“ (1954-იდან; 1969 – 72 – საპროექტო ინ-ტის მთავარი არქიტექტორი), ტიპობრივი და ექსპერ. დაპროექტების თბილ. ზონალურ სამეცნ.-კვლ. ინ-ტში და სხვ.

ძირითადი ნამუშევრები: მიწათმოქმედების კვლევითი ინ-ტი (1963) სოფ. წეროვანში (მცხეთის მუნიციპ-ი), საქართვე. სას.-სამ. ინ-ტი (ახლანდ. აგრ. უნ-ტი) თბილისში – დილომში (1969; ვ. ალექსი-მესხიშვილთან ერთად;

სსრკ მინისტრთა საბჭოს პრემია, ჯგუფთან ერთად, 1972), თბილისის VII მრავალპროფილიანი საავადმყოფო (1985), ბორჯომის საკურორტო პოლიკლინიკა (1987), მარნეულის სარაიონთაშორისო კლინიკური საავადმყოფო (1988), ქ. ქულაბის (ტაჯიკეთი) საოლქო საავადმყოფო (1988) და სხვ.

ს. კინწურაშვილი

მ. მაისურაძე
